

Atuarfeqarneq ilinniartitaanerlu pillugit aaqqissuusseqqinneq pillugu nassuiaammik Inatsisartut UPA2021-imi ataatsimiinnissaanni saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaatur siunnersuut.

(Inatsisartunut ilaasortaq, Jens Napãtôk´, Partii Naleraq)

Akissuteqaat

(Ilinniartitaanermut, Kultureqarnermut Ilageeqarnermullu Naalakkersuisoq)

Siullermeerneqarnera

Aallaqqaatitut aalajangiiffigisassatur siunnersuut pillugu Inatsisartunut ilaasortaq, Jens Napãtôk´, Partii Naleraq Naalakkersuisut qutsavigaat.

Siullermik ilinniartitaanerup peqatigiinnikkut pitsaanerpaamik tamanit sinaakkuserneqarnissaa Naalakkersuisut isumaqatigalugu erseqqissassavaat. Amerlanerusut inuusuttuaqqanut ilinniartitinnit aallartittalernissaat angujumallugu atuarfiup ineriartorteqqinneqarnissaata pisariaqartinneqarnera aamma isumaqatigaarput.

Taamaattumik Naalakkersuisut 2017-imi nalilersuinerup ineriartortitsinermillu suliniummik ukiuni marlunni ingerlanneqartussamik aallartitsipput ilinniartitaanerup aaqqissuussaanera eqaatsoq ataqatigiittorlu pillugu siunnersuusiornissaq siunertaralugu. Siunnersuuteqartup ”atuarfeqarneq ilinniartitaanerlu pillugit aaqqissuusseqqinneq”-mik taasaani suliniut taanna pineqarpoq. Suliniut naammassineqareerpoq. Naalakkersuisut isumaqarput ukiuni 12-ini meeqqat atuarfianni atuartussaataaneq atulersinneqartariaqanngitsoq. Suliniummilu innersuussutit aallaavigalugit Naalakkersuisut aalajangerpaat suliniutit aalajangersimasut arlallit suliareqqinneqassatur aamma ineriartorteqqinneqassatur unamminartut pineqartut aaqqiiffigineqarnissaat siunertaralugu.

Aalajangiinerup pineqarput

- atuarfiup pitsaassusianik kivitsinissaq
- inuusuttunut ilinniartitaanerit amerlineqarnissaat atuartut ilinniartullu assigiinngitsut amerlanerusut peqataasalernissaat siunertaralugu
- ilitersuisarnerup inerisarneqarneratigut qulaajaanermik, tapersiinerup aamma ilitersuinerup annertusaanissaq
- ungasissumiittunik atuartitsineq aqqutigalugu najukkani ilinniartitaanerup pitsaanerup neqerooruteqartalernissaq
- ilinniartitaanerup ingerlatseqatigiiffiliornerit aqqutigalugit suleqatigiinnerup isumalluutinillu atuilluarnerup annertusaanissaq

Tamakku taaneqarput atuarfik aamma inuusuttuaqqanut ilinniartitaanerit pitsaasumik ineriartoqqullugit – kiisalu ilinniartitaanermi ilinniartitaanermut tullermut ikaarsaariarnerit pitsaaneruleqqullugit. Atuartut ataasiakkaat atuarfimmi angusaat pitsanngorsarniarneqarput aamma inuusuttut inuusuttuaqqanut ilinniartitaanerit aallartittartut naammassinnittartullu amerlisarniarneqarput.

Nalilersuinerimik Ineriartortitsinerimillu Suliniut pillugu nalunaarusiaq innersuussutitalik erniinnaq saqqummersinneqassaaq, tassanilu takuneqarsinnaapput kikkut qanorlu peqataatinneqarsimanersut. Taassuma saniatigut Naalakkersuisut Ilinniartitaanermut Pilersaarutaat ukiumoortumik saqqummersinneqartarpoq, tassaniittarlutillu suliniutit sorliit ilinniartitaanermi ukkanniarneqarnersut.

Ilinniartitsinerimut Periusissiami tullinnguuttumi Naalakkersuisut suliniutinik aamma inerisaanernik aallartitsinissaat ilanngunneqassapput. Nalilersuinerimik ineriartortitsinerimillu suliniutini kiisalu ilinniartitaaneq pillugu ingerlaavartunik suliaqarnermik nalunaarusiani pilersaarutinilu pineqartut pigineqareermata Naalakkersuisut isumaqarput 2021-mi Upernaakkut Ataatsimiinnermi Inatsisartunut nalunaarusiornissaq pisariaqanngitsoq.

Taamaattumik siunnersuutip itigartinneqarnissaa Naalakkersuisut inassutigaa.